

**Broj: 01-04-6-05139-7/2021**  
**Sarajevo, 19.11.2021. godine**

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-04-6-05139-6/2021 od 18.11.2021. godine, Direktor Federalne uprave za inspeksijske poslove u ime ugovornog organa, donosi,

### **ODLUKU**

**o izboru najpovoljnijeg ponuđača i dodjeli ugovora o nabavci roba – dijelovi službenih odjela za granične inspektore Federalne uprave za inspeksijske poslove**

#### **Član 1.**

Prihvata se preporuka Komisije za javne nabavke uprave broj 01-04-6-05139-6/2021 od 18.11.2021. godine, te se ugovor o nabavci roba-dijelovi službenih odjela za granične inspektore Federalne uprave za inspeksijske poslove po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „DANIALS“ d.o.o. Tešanj čija ponuda broj IP/682/21 od 10.11.2021. godine je ocijenjena najpovoljnijom.

#### **Član 2.**

Ugovor sa ponuđačem „DANIALS“ d.o.o. Tešanj, zaključit će se pod slijedećim uslovima:

- ukupna cijena ponude: 9.890,00 KM bez PDV-a, odnosno 11.571,30 KM sa uračunatim PDV-om.,
- mjesta isporuke roba su lokacije: Sarajevo-Halilovići, Svilaj i Ljubuški-Bijača. Dobavljač je obavezan u dogovoru sa ugovornim organom običi sve navedene lokacije i prije izrade dijelova uniformi uzeti mjere za granične inspektore za koje će biti izvršena izrada istih.
- rok isporuke 30 dana od dana zaključenja ugovora, odnosno dostavljanja narudžbenice sa specifikacijama veličina utvrđenih u skladu sa prethodnom alinejom
- garantni rok će biti detaljno definisan odredbama ugovora, a u skladu sa zahtjevima tenderske dokumentacije i ponudom broj IP/682/21 od 10.11.2021. godine
- rok plaćanja je 30 /trideset/ dana od dana prijema fakture na protokol Ugovornog organa.

#### **Član 3.**

(1) Ponuđač „DANIALS“ d.o.o. Tešanj je dužan u roku od 5 (pet) dana od dana prijema ove odluke dostaviti uvjerenja nadležnih organa kojim dokazuje slijedeće činjenice:

- uvjerenje nadležnog suda da nije pravomoćnom sudskom presudom u krivičnom postupku osuđen za krivična djela organiziranog kriminala, korupcije, prijevare ili pranja novca u skladu sa važećim propisima u Bosni i Hercegovini
- uvjerenje nadležnog suda da nije pod stečajem, odnosno da nije predmet stečajnog postupka ili predmet likvidacijskog postupka

- uvjerenje nadležne poreske uprave na osnovu koje se može utvrditi da uredno izmiruje obaveze za penziona i invalidsko osiguranje i zdravstveno osiguranje
- uvjerenja nadležnih organa da uredno izmiruje obaveze po osnovu direktnih i indirektnih poreza.

(2) Dokazi iz stava (1) ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

#### Član 4.

Ova odluka će se objaviti na web stranici Federalne uprave za inspekcijske poslove.

### O b r a z l o ž e n j e

Na osnovu odluke direktora Federalne uprave za inspekcijske poslove broj 01-04-6-05139/2021 od 22.10.2021. godine pokrenut je postupak konkurentskog zahtjeva uz primjenu e-aukcije za nabavku robodijelovi službenih odjela za granične inspektore Federalne uprave za inspekcijske poslove, čija nabavka je planirana Planom nabavki uprave za 2021. godinu-robe, redni broj 6, a procijenjena vrijednost nabavke iznosi 10.000,00 KM, bez uračunatog PDV-a.

Dana 29.10.2021. godine na portalu javnih nabavki BiH je objavljeno obavještenje o nabavci predmetnih usluga, broj obavještenja 1292-7-1-18-3-14/21.

Dana 15.11.2021. godine sa početkom u 12,15 sati izvršeno je javno otvaranje blagovremeno pristiglih ponuda, te je u zapisniku sa otvaranja ponuda konstatovano da je ponudu dostavio jedan ponuđač sa pročitanim vrijednostima ponuda:

Broj protokola ugovornog organa	Broj koverta sa ponudom	Naziv/ime ponuđača	Koverta ispravno zat. i potp. ili opečaćena	Ukupna cijena ponude sa uračunatim popustom bez PDV-a
01-04-6-05139/21-I	1.	„DANIALS“ d.o.o. Tešanj	Da	9.890,00 KM

Javnom otvaranju ponuda nije prisustvovao predstavnik ponuđača koji je dostavio ponudu, a zapisnik sa otvaranja ponuda je odmah putem pošte otpremljen na adresu ponuđača.

Komisija je izvršila provjeru kompletnosti i ispravnosti ponude, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata. Tom prilikom je konstatovano da je ponuđač dostavio kompletnu dokumentaciju zahtjevanu tenderskom dokumentacijom. Također, komisija je konstatovala da je ponuđač „DANIALS“ d.o.o. Tešanj uz ponudu dostavio i uzorke ponuđenih roba.

Obzirom da je u ostavljenom roku dostavljena samo jedna prihvatljiva ponuda, e-aukcija se nije mogla zakazati shodno odredbi člana 3. stav (3) Pravilnika o uslovima i načinu korištenja e-aukcije.

U nastavku postupka, komisija je razmotrila ponudu ponuđača „DANIALS“ d.o.o. Tešanj u smislu njene prihvatljivosti sa aspekta ponuđene cijene. Tom prilikom komisija je konstatovala da je cijana koju je ponudio navedeni ponuđač prihvatljiva. Naime, ponuđač je ponudio tražene robe po ukupnoj cijeni od 9.890,00 KM, što je u okviru sredstava planiranih za konkretnu nabavku koje iznose 10.000,00 KM. Takođe je izvršen uvid u dostavljene

uzorke ponuđenih roba, te je utvrđeno da iste zadovoljavaju postavljene kriterije, te da ne postoje razlozi za odbacivanje ponude ni po ovom osnovu.

Kako je dakle ponuda ponuđača „DANIALS“ d.o.o. Tešanj prihvatljiva, kako sa formalnog, tako i sa aspekta ponuđene cijene, te obzirom da su ponuđene robe u skladu sa zahtjevima tenderske dokumentacije, nisu postojali razlozi za odbacivanje dostavljene ponude, pa je Komisija Direktor Federalne uprave za inspekcijske poslove dostavila preporuku da u ime ugovornog organa donese odluku kojom će se ugovor dodijeliti navedenom ponuđaču.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.

  
**DIREKTOR**  
**Anis Ajdinović**

Dostaviti:

1. „Danials“ d.o.o. Tešanj, Husein-kapetana Gradaševića 58, 74264 Jelah-Tešanj
2. Sektor za materijalno-finansijske poslove
3. Sektor za tehničku podršku i plansko-analitičke poslove
4. Komsija za javne nabavke (a/a).

Fehima ef.Čurčića br.6, 71000 Sarajevo, telefon 033 563 350, fax 033 563 351,  
e-mail: [info@fuzip.gov.ba](mailto:info@fuzip.gov.ba), [www.fuzip.gov.ba](http://www.fuzip.gov.ba)